



De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manuscriptis Codicibvs, Qvarvm permultæ antehàc nunquàm
in lucem prodière

Qvi ... Illas Omnes Complectitvr Historias, Qvæ Post Secvndam Sex
Tomorvm Editionem ...

Surius, Laurentius

Coloniae Agrippinae, 1586

VD16 ZV 1269

De Ezechiele Propheta.

[urn:nbn:de:hbz:466:1-77432](https://nbn-resolving.org/urn:nbn:de:hbz:466:1-77432)

DE EZECHIELE PROPHETA.
VITA ET MORSE EZECHIELIS PRO-

127

PHETAE, PER D. EPIPHANIVM CONSTANTIAE

Cypri Episcopum descripta. Habetur in libro eius

de vitis Prophetarum.



Ezechiel Propheta è terra Saraera de filijs Pontificū genus duxisse asseritur. Fato fundus est tēpore captiuitatis in regione Chaldæorū. Plurima ille super reuerfione populi prophetavit, deq; reditu filiorū Israel, nec nō & de aduentu Domini. Occidit autē illum dux populi, cum vnā secū incola foret in Babylone, fugillatus ab eo de cultib. idolorum. Quare in agro Maur funerauerunt eū in monumento Sem & Arphaxad progenitorē Abraham. Et sepultura isthac ad nostra vsq; tēpora specus est duplex. Etenim Abraham excitauit ad huius instar Sara coniu-
gis sara monumentū in Chebrō: quod quia defossum sit atq; latens, duplex perhibetur, e planitie, & in terra tabulatum, petraque suspenfium.

April. 13
Genus &
patria Eze-
chielis Pro-
pheta.

Mors & se-
pultura e-
ius.

Gen. 22.

Iste quidem propheta populo obiecit prodigium, cum precatus esset ad amnem Chobar: quod videlicet cum deficerent vnda fluminis eius, falcē defolationis sperare deberent in finibus terræ: & quando exundaret fluuius ille, id signum esse reditus in Hierusalem. Et contigit illud. Etenim in terra Spyrriorum vir pius ille sepultus iacet: multiq; ad monumentum eius confluunt ad precationem & obsequiū. Sanē quando tāta eō frequentia vnā ad monumentum eius conueniunt, formidat Chaldaei ac metuunt, ne illum auferant: quapropter egredientem comitantur, & deducunt. Effecit verō propheta consistere hic fluminis vnda, quo terga darent filij Israel trans ripam. Caterum Chaldæorum aliquod audaciores populū pone persequi tentabant, qui quidem ad vnum omnes submersi sunt.

Cōfluitur
ad sepul-
crū Prophe-
tae, vt ibi sū-
dantur
preces.

Iste quoque propheta spontinis orationibus filijs Israel vberimum piscium impetrauit com meatū, vt qui inedia tantum non perijissent, piscium esu reficerentur. Plurimis etiam illorum, qui aura vitali iam vefci defierant, vitam recuperavit. Is est quoque vates ille, qui plebe iam depressa ac pessundata ab hostibus, stetit contra faciem ducum illorum, & confundebat eos portētis & miraculis, ita vt milites terri manum tollerent de tabula. Tunc populo suo Ezechiel dixit: Propterea quod parum conuenit inter vos, spes vestra interijt. Nunc in prodigijs per ossa mortuorum fecit illos, quoniam est spes Israel cum presente, tum atate futura. Hic est, inquam, propheta, qui quanquam esset in regione Chaldæorum, pleraque tamen populo, quacunque in Hierosolymis, inque templo fiebant, aperuit.

Multa ope-
ratur mi-
racula.

Iste quoque Propheta eduxit eos de finibus Chaldæorum, & reduxit in Hierusalem ad redargutionem impiorum & infidelium. Hic Ezechiel per Mosen contem-
platus est situm templi, murumque eius speciosum, prout locutus est etiam Daniel, vt olim conderetur. Hic in Babylone iudicauit tribum Dan & Gad, quod impiē egissent aduersus Dominum, persequendo eos qui legi fidem suam adstrinxerant. Oblit autem illis insigne prodigium siue ostentum: quoniam angues deuorauerunt infantes eorum, & omnia iumenta ipsorum. Pradixitque quod culpa eorum nequeat populus regredi Hierosolyman, quin in Media permanerent, quoad resipiscerent, & in viam, quod aiūt, redirent. Erat sanē vnus illorum, qui cum interemit, oppositas enim erat illi, vsque in diem obitus sui.

Prophetia
eius de ex-
truendo
templo.

ITEM VITA EZECHIELIS PER D.

ISIDORVM EPICOPVM HISPALENSEM SCRIPTA.

Habetur in libro eius de patribus veteris testamenti.



Ezechiel Sacerdos filius Buzi, genitus in terra Saria, in typo Christi filius hominis vocatus. Hic captiuus cum Ioachin in Babyloniā ductus est, & ad captiuos prophetavit, corripiens eorum offensiones: & zelo Dei motus, cuncta eorū crimina & turpitudines arguit. Quem dux populi Israel interfecit, pro eo quod auctoritate pontificali, corripitur ab eo, ob impietatem sacrilegij. Sepultus est autem a populo in agro Maurum & Arphaxat.

Ezechiel
sacerdos
fuit.

Interfici-
tur.

ITEM DE EODEM EZECHI.

ELE PROPHETA, PER D. HIERONY.
mum Presbyterum.

Ezech. 1.

Hier. 21.
&c.

Hieremias
et Ezechiel
simul pro-
phetaſūt.



Zechiel Propheta cum Ioachin Rege Iuda captiuus ductus eſt in Babylonem, ibique hiſ, qui cum eo capti fuerant, prophetauit, poenitentibus quodam Hieremias vaticinium ſe vltro aduertariis tradidiſſent: & viderent adhuc urbem Hieroſolymam ſtare, quā ille caſuram eſſe prädixerat. Trigefimo autem ætatis ſuæ anno, & captiuitatis quinto, exorſus eſt ad concaptiuos loqui. Et eodem tempore, licet poſterior, hic in Chaldæa, Hieremias in Iudæa prophetauerunt.

Sermo eius nec ſatis diſertus, nec admodum ruſticus eſt, ſed ex vtroque mediè temperatus. Sacerdos & ipſe fuit, ſicut & Hieremias, principia voluminis & finem magnis habens obſcuritatibus inuoluta. Sed & vulgata eius editio non multum diſtat ab Hebraico. Vnde ſatis miror, quid cauſæ extiterit, vt ſi eodem in vniuerſis libris habemus interpretes, in alijs eadem, in alijs diuerſa tranſulerint.

BEATI PETRI DAMIANI SERMO

DE FESTIVITATE SANCTI GEORGII MARTY.
ris, vt habetur octauo Tomo Aloyſij.

Aprilis 23.



Nominis
Georgij in
terpreta-
tio.

MODI ERNA feſtiuitas, dilectiſſimi, paſchalis gloria lætitiã geminat, & velut preciõſa gemma, aurum, cui imprimitur, decore proprii ſplendoris illuſtrat. Aprè nimirum hoc potiſſimum tempore beato Georgio conceſſum eſt triumphare, quando tranſacta hyemalis inclementia turbinis, Auſtri fomite reſoluta læta terra alacriter parurit, & erumpentibus diuerſis herbarum atque arborum floribus, tanquã adoleſcentiæ (vt ita loquar) ætate pubeſcit. Georgius ſiquidem Græcè, terræ cultor Latino ſonat eloquio, qui nimirum iuxta ſui præſagium nominis, non modo ſuæ mentis agrum ſpiritalis exercitij diſciplinis excoluit, ſed & fan-

ctæ exhortationis, & piæ correptionis vomere, terrena multorum corda proſcudit, vitiorum quæ vepribus erutis, foecunda in eis virtutum arbuſta plantauit.

Meritò igitur hodiè beati huius martyris anima, poſt cruentam furioſi principis rabiem, poſt carniſicum feraliter ſeuientium immanitatem, poſt dilacerati corporis exquisita ſupplicia, poſt ignis ac ferri, picis ac ſulphuris iniqua tormenta, poſt verberum denique plagas, poſt carcerum tenebras, tanquã poſt hybernas furentium ventorum niuium quæ procellas, oraculum hoc meruit diuinæ vocationis audire: Veni columba mea, ſponſa mea, formoſa mea: iam hyems tranſijt, imber abiit & receſſit, flores apparuerunt tn terra noſtra, tempus putationis aduenit. Plañe de militia tranſlatus eſt in militiam, quia terreni tribunatus, quo ſungebatur, officium, Chriſtianæ militiæ profeſſione mutauit. Et vt reuera strenuus miles prius omnia ſua pauperibus tribuens, ſarcinam terrenæ facultatis abiicit, ſicque liber & expeditus, ac fidei lorica præcinctus, in ipſam denſi certaminis aciem ſeruus ſe Chriſti bellator immerſit, ſeruato ſcilicet ordine, vt rerum pondus antè deponeret, atque ita poſtmodum ad campum certaminis imperterritus proſiliret. Inde eſt quòd in lege præcipitur, vt homo formidoloſus, & corde pauido non egrediarur ad bellum, ſed Vadat, inquit, & reuertatur ad terram ſuam, ne pauere faciat corda fratrum ſuorum, ſicut & ipſe perterritus eſt. Quibus nimirum verbis liquido perdocemur, quia pro deſenſione fidei dimicare fortiter & idoneè nequeunt, qui adhuc nudari terrenis opibus pertimeſcunt, tolerabiliuſque eſt, vt domum quodam modo

Cant. 2.

nat omnia
ſua pauperibus.

Deut. 20.

SURIUS

q̄ter
Kober
RVIII
5